

Sov'nances

On mot qui tchante.
Danser èt baloûjener dins m' tièsse.
Qui m'èspêche di couru èvôye.
Dji n'a nin à yèsse malèrèûs.
Co mwins' à fé l' compte dès-ans qu'i m' dimère à-z-avîyi.
Jusqu'ârci, dj'a stî yute dès mwaîs côps.
Foû di ç' qui s' passe tos lès djoûs.
Èt m' keûr tape co lès-eûres come on vî règulateûr.
Dji m' lès vou r'passer cint côps, mès sov'nances.
Ridîre lès cines qui son.nenut todi one miète.
Qu'ont pris l' min.me vôle qui lès cias qu' dj'a vèyu voltî.
Pwis, tant qu' dji n' saurè ni vîye ni mwârt, raconter tot ç' qui mès-ouys ont vèyu.
Totes mès pasquéyes. Come ostant di p'tits tauvias qu'on mètreut onk asto d' l'ôte.
Diviser su chake. Lès laîds qui l's-ans ont-st-èruni.
Adon lès bias, qui d'vègnenut todi pus bias, zèls. Qui dj' ragadèle sovint su cètila.
Lès r'cimer todi one miète dipus chaque côp qu' dj'è d'visè. Po-z-ènnè mia fé profiter l's-ôtes. Lès lèyî bablus. Astomakés pa l' ritchèsse di m' vikériye.
C'èst l' pougnîye di fèl tèrau qui dj' vôleu mète avou mi è m' vacha. Tot sondjant à l' chance qui dj'a yeû divant qui m' vî quinquèt ni s' distinde. Yèsse vinu au monde Walon. Avou Moûse come murwè tos lès matins qui l' bon Diè m'a d'né.

Pierre Lazard